



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Labour, Social Policy, Displaced  
Persons and Refugees**

Broj: 13-02/01-05-28145-75/19  
Sarajevo, 19.08.2019. godine

**SKUPŠTINA KANTONA SARAJEVO**  
Služba za skupštinske poslove  
**- O v d j e -**

**KANTON SARAJEVO**  
Stručna služba Vlade  
N/r Sekretara  
**- O v d j e -**

Zastupnik Vitor Handžić je na 12. Radnoj sjednici Skupštine Kantona Sarajevo, održanoj dana, 24.07.2019. godine, u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio slijedeće zastupničko pitanje:

**“Koje se trenutno aktivnosti provode na izradi socijalne karte i u kojoj je fazi ovaj proces?”**

**ODGOVOR:**

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnika Vitora Handžića, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Vlada Kantona Sarajevo je rješenjem broj 02-05-22216-19/19 od 30.05.2019. godine imenovala stručni Tim za provedbu Projekta “Socijalna mapa Kantona Sarajevo” čiji je zadatak provedba navedenog projekta, a koji uključuje:

- izradu izmjena i dopuna Metodologije izrade socijalne karte u Kantonu Sarajevo, koju je usvojila Vlada Kantona Sarajevo zaključkom broj: 02-05-38788-3/18 od 06.12.2018. godine,
- definisanje ciljnih grupa stanovništva koje će biti predmet istraživanja,
- izradu uzoraka za pilot istaživanje i glavno istraživanje,



web: <http://mrsri.ks.gov.ba>  
e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
Tel: + 387 (0) 33 562-089, Fax: + 387 (0) 33  
562-090  
Sarajevo, Reisa Džemaludina Čauševića 1



- izradu upitnika za pilot istraživanje i glavno istraživanje,
- izradu uputstva za popunjavanje upitnika za pilot istraživanje i glavno istraživanje,
- odabir i edukacija osoba za provođenje pilot istraživanja i glavnog istraživanja,
- stručni nadzor nad provođenjem pilot istraživanja i glavnog istraživanja,
- obradu, analizu i interpretaciju sakupljenih podataka,
- izradu Priručnika za izradu Metodologije za primjenu Socijalne mape Kantona Sarajevo,
- izradu izvještaja po okončanim aktivnostima i dostavljanje istog Vladi Kantona Sarajevo.

Navedenim rješenjem je utvrđeno da je rok za provedbu Projekta "Socijalna mapa Kantona Sarajevo", 30.06.2020. godine.

Imenovani stručni Tim za provedbu Projekta "Socijalna mapa Kantona Sarajevo" se od svog imenovanja kontinuirano sastajao, a rezultat rada navedenog stručnog tima su realizovane slijedeće konkretne aktivnosti:

- sačinjene izmjene i dopune Metodologije izrade socijalne karte u Kantonu Sarajevo,
- definisane ciljne grupe stanovništva koje će biti predmet istraživanja,
- određen uzorak za pilot istraživanje i glavno istraživanje,
- izrađen upitnik za pilot istraživanje i glavno istraživanje, te
- izrađeno uputstvo za popunjavanje upitnika za pilot istraživanje i glavno istraživanje.

Predmetni stručni Tim je dogovorio i okvirnu dinamiku realizacije pilot i glavnog istraživanja, na način da je realizacija pilot istraživanja je planirana za jesen 2019. godine, dok je realizacija glavnog istraživanja planirana za proljeće 2020. godine.

Osim navedenog, smatramo značajnim istaći činjenicu da je u sve navedene aktivnosti uključena Misija OSCE-a u Bosni i Hercegovini, kroz aktivno učešće njihovog predstavnika u radu stručnog Tim za provedbu Projekta "Socijalna mapa Kantona Sarajevo".

Također, obavljani su i razgovori sa jednim brojem ambasada u Bosni i Hercegovini u cilju davanja podrške u tehničkom i stručnom smislu i očekujemo da ćemo dobiti traženu podršku, kao pomoć u realizaciji planiranih aktivnosti.

S poštovanjem,

Pripremila: Smaragda Lučkin, stručni savjetnik  
 Kontrolisale: Cica Pljevljak, šef Odjeljenja  
 Slavica Gorančić, pomoćnik ministara

Dostavljeno:

1. Naslovu,
2. ministru,
3. a/a.



web: <http://mrsri.ks.gov.ba>  
 e-mail: [mrsri@mrsri.ks.gov.ba](mailto:mrsri@mrsri.ks.gov.ba)  
 Tel: + 387 (0) 33 562-089. Fax: + 387 (0) 33 562-090

Sarajevo, Reisa Džemaludina Čauševića 1

